



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

XXVII. Confirmatur Resolutio nuperi Capituli Generalis Carmelitarum
Excalceatorum, ac Breve confirmationis Benedicti PP. XIII. circa nonnulla
humilitatis officia per ejusdem Ordinis Donatos ...

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

obsequium adhibere studeant, amplioris favore gratiæ prosequi volentes, & ipsorum modernorum Votantium singulares personas a quibusvis excommunicationis, suspensionis, & Interdicti, alisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, Motu proprio, ac ex certa scientia & mera liberalitate Nostris, deque Apostolicæ potestatis plenitudine, prædictis modernis & pro tempore existentibus Votantibus Signaturæ Justitiæ hujusmodi usum Mantelli Magni, Mantellone vulgariter nuncupato, ac Pilei Pontificalis, ac eorumdem ornamentorum, quibus Cappellani Nostris, & Causarum Palatii Apostolici Auditores, ac Camera Apostolicæ Clerici Præsidentes in solemnibus equitationibus utuntur & fruuntur, tenore præsentium concedimus pariter & indulgemus.

§. 3. Decernentes easdem præsentis literas semper firmas, validas, & efficaces existere & fore, suosque plenarios & integros effectus sortiri & obtinere, ac illis, ad quod spectat & pro tempore spectabit, in omnibus & per omnia plenissime suffragari; sique in præmissis per quoscumque Judices ordinarios & delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & alios quoslibet quacumque præminentia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definiiri debere; ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus & ordinationibus Apostolicis, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 25. Januarii 1731. Pontificatus Nostri Anno Primo.

F. Cardinalis Oliverius.

XXVI.

Confirmatur Breve Benedicti XIII. super dismembratione quorundam Conventuum a Provincia Terræ Laboris Ordinis Fratrum B. M. de Monte Carmelo, ac erectione Provinciæ Neapolitanæ.

Dat. die 27. Januarii Anno 1731. Pontif. I.

CLEMENS PAPA XII.

Ad futuram rei memoriam.

Exordium.

EX injuncto Nobis divinitus Pastoralis officii munere illis, quæ pro felici Religiosorum Virorum directione & tranquillitate provide prouiderentur ab hac Sancta Sede constituta esse noscuntur, ut firma semper atque illibata persistant, libenter, cum id a Nobis petitur, Apostolici muniminis Nostris præsidium adiungimus.

Causæ erectionis Provinciæ Neapolitanæ a Bened. P. P. XIII. factæ.

§. 1. Alias siquidem se, re. Benedictus PP. XIII. Prædecessor Noster ad sedanda gravia animorum dissidia, quæ inter Religiosos Conventus Carmeli Majoris nuncupati Civitatis Neapolitanæ, Provinciæ Terræ Laboris Ordinis B. Mariæ de Monte Carmelo, ac reliquos Fratres Provinciæ hujusmodi intercedebant, eundem Conventum Carmeli Majoris cum decem ejus Grangiis, necnon quinque alios Conventus a prædicta Provincia dismembravit, illosque in novam ipsius Ordinis Provinciam Neapolitanam denominandam erexit, facta tunc existentis Procuratori Generali dicti Ordinis potestate novæ Provinciæ sic erectæ incorporandi alium Conventum, Montis Sancti itidem nuncupatum, Civitatis & Or-

dinis præfatorum, qui dudum Acephalus, ac independens reperiebatur; statuitque, ut electio Prioris Provincialis, cæterorumque Superiorum & Officialium ejusdem novæ Provinciæ ad præscriptum Constitutionum dicti Ordinis, Apostolica auctoritate confirmatarum, quamprimum fieret, & alias, prout uberius continetur in ipsius Benedicti Prædecessoris literis desuper in simili forma Brevis expeditis, tenoris, qui sequitur videlicet: BENEDICTUS PP. XIII. *Ad perpetuam rei memoriam.* Inter gravissimas Apostolicæ servitutis curas &c.

Cætera legere est in Constitutione LVI. in Tom. XIII. pag. 165.

§. 2. Cum autem, sicut pro parte dilectorum filiorum Fratrum supradictæ Provinciæ Terræ Laboris Nobis nuper expositum fuit, præfata Benedicti Prædecessoris literæ ante quinquennium executioni demandatæ fuerint, ex eo vero tempore dicta Provincia summa quiete & pace religiosa, benedicente Domino, fruatur, non sine modico in ea regularis disciplinæ incremento; ac interim bina ibidem Capitula Provincialia sine ulla vel minima perturbatione celebrata fuerint, ac propterea ipsi Exponentes præmissa pro majori eorum robore & subsistentia, exactioreque observantia, Apostolicæ confirmationis Nostræ patrocinio communiti summopere desiderant; Nos eorumdem Exponentium votis hac in re, quantum cum Domino possumus, favorabiliter annuere volentes, illorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, præinsertas Benedicti Prædecessoris literas, cum omnibus & singulis in eis contentis, eadem auctoritate Apostolica tenore præsentium approbamus & confirmamus, illisque inviolabilis Apostolicæ firmitatis robur adjicimus.

§. 3. Decernentes easdem præsentis literas semper firmas, validas, & efficaces existere & fore, suosque plenarios & integros effectus sortiri & obtinere; ac illis, ad quos spectat, & pro tempore quandocumque spectabit, in omnibus & per omnia plenissime suffragari, & ab eis respective inconcussa observari; sique in præmissis per quoscumque Judices ordinarios & delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, & alios quoslibet quacumque præminentia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definiiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & ordinationibus Apostolicis, necnon omnibus & singulis illis, quæ in præinsertis literis concessa sunt non obtare, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 27. Januarii 1731. Pontificatus Nostri Anno Primo.

F. Card. Oliverius.

Confirmatur Resolutio nuperi Capituli Generalis Ordinis Carmelitarum Excalceatorum, ac Breve confirmationis Benedicti Papæ XIII. circa nonnulla humilitatis officia per eundem Ordinis Donatos exercenda, cum derogatione cujusdam decreti ab Auditore ejusdem

Ad petitionem Fratrum Provinciæ ejusdem.

Literæ Benedicti PP. confirmantur.

Addita Brevis hujusce validitate, & observantia.

Cum contrariis derogatione.

XXVII.

Papæ

Papæ super hoc editi: additaque declaratione, quod ab eisdem obeundis officiis ceteri Ordinis Fratres exempti non intelligantur.

Laudatas Benedicti XIII. literas datas die 22. Junii 1728.

CLEMENS PAPA XII.

Ad futuram rei memoriam.

Dat. die 8. Martii Anno Dom. 1731. Pontif. I.

Expositio facti.

Ex Ordinis Constitut. humilia quæque officia Superioribus quoque injungenda:

Chori tamen, Altariisque servitium periculis tantummodo committendum.

Decret. Definitorii Provinciae Venetæ an. 1726. de dictis humilitatis officiis Donatis imponendis.

Donatorum recursus tantquam a gravamine.

Cognita causa a Congr. Episc. & Regularium.

Votumque Gen. Capituli exquisitum.

EXponi Nobis nuper fecerunt dilecti filii Præpositus ac Procurator Generalis Fratrum Ordinis Beatæ Mariæ de Monte Carmelo Excalceatorum nuncupatorum, quod tamen in eodem Ordine Donati, sive Conversi, pari obedientiæ voto & vinculo, ac Clerici seu Chorales adstricti sint, licetque Constitutionibus ipsius Ordinis auctoritate Apostolica confirmatis part. 1. cap. 14., ubi agitur de vita communi, caveatur expresse, ut in tabella officiorum humilia quæque etiam Superioribus injungantur, ne quid vel ad charitatem vel ad humilitatem desideretur; necnon in Rubrica dicti Ordinis eisdem part. 1. cap. 5. §. 11. de modo scribendi ejusmodi tabellam officiorum discrete statuatur, partes Superioris esse eamdem tabellam quolibet die Sabbati conscribere, ipsaque officia cunctis prudenter distribuere: adjecto tamen, quod quamvis ad officia omnia, maxime humilitationi deservientia, omnes etiam Prælati designandi sint, ministeria tamen, quæ ad Chorum & Altare pertinent, iis tantummodo committantur, qui sciant & possint illa debite explere; nihilominus cum anno 1726. Diffinitorium Provinciale Provinciae Venetiarum Ordinis prædicti demandasset, ut Fratres Donati illius Provinciae certis festis ac feriatis anni diebus primæ mensæ in Refectorio inservire tenerentur, reservata Superioribus localibus auctoritate, debitam sibi obedientiam a dictis Fratribus Donatis, ubi alias eorum opera utendum judicarent, exigendi: utque in domo Novitiatus deputata, & alibi ubicumque Fratres Donati Novitii reperirentur, in communi tabella officiorum ejusmodi, deservitores primæ mensæ, terfores seu lotores scutellarum, & ad munera humilitatis, ut vocant, destinarentur; pro parte Fratrum Donatorum Provinciae præfatae lis & causa adversus Superiores ejusdem Provinciae super hac ordinatione Definitorii Provincialis, ac gravamine sibi exinde, ut prætendebant, irrogato, mota fuit coram Congregatione tunc existentium S. R. E. Cardinalium negotiis & consultationibus Episcoporum & Regularium præposita, quæ die 6. Augusti 1727. jussit desuper exquiri votum Capituli Generalis tunc proxime celebrandi Ordinis præfati, ac interim dictos Fratres Donatos teneri supplere officia humilitatis hujusmodi prudenti Superiorum localium arbitrio; verum iisdem Fratribus Donatis tali decreto provisionali minime acquiescentibus, causaque die 5. mensis Septembris subsequens repropoita, ipsa Congregatio Cardinalium perficit in decretis: mandavitque votum dicti Capituli Generalis exquirendum, ad formam instructionis concessæ per S. R. E. præfatae Cardinale, qui ad ejusmodi causam eidem Congregationi Cardinalium referendam deputatus fuerat; unde cum in præmissorum executionem die 28. mensis Aprilis 1728. in Capitulo generali dicti Ordinis tunc celebrato propositum fuisset illius Vocalibus ibidem una congregatis: An ex vi suarum legum conferent teneri Fratres Donatos exercere munera humilitatis terfores scutellarum, & servitoris primæ mensæ, sicuti exercent ceteri Religiosi chorales, etiam Sacerdotes; a quinquaginta ex quinquaginta septem Vocalibus hujus-

modi, affirmative & per secreta suffragia responsum fuit; ac postmodum fel. record. Benedictus Papa XIII. Prædecessor Noster per suas in simili forma Brevis die 22. Junii ejusdem anni 1728. expeditas literas enarratam Capituli Generalis resolutionem, toto illius tenore inserto, confirmavit: dictisque Fratribus Donatis perpetuum super hac quæstione silentium imposuit, nec amplius audiendos decrevit. Porro hinc Benedicti Prædecessoris literis, quoad earum substantiam per ipsos Fratres Donatos acceptatis, humiles eidem Benedicto Prædecessori preces exhiberi curarunt, quibus etsi nihil aliud petiissent, quam ut declarare veliet non comprehendere in ejusmodi literis illos Fratres Donatos, quibus aliquod ex sequentibus officiis, nimirum Vestiarum, Ministri cellæ vinarum, Præpositi rei rusticæ, Quæstoris elemosynarum, Coqui, Subfasciæ, & Janitoris assignatum foret, prodiit tamen die 3. Septembris præfati anni 1728. a tunc existente Auditore memorati Benedicti Prædecessoris decretum, quo declaratur, dictas literas non comprehendere Fratres Donatos non solum præfata, sed & alia in ipso decreto expressa, ac etiam illis similia officia exercentes; & inprimis illos non teneri, nec obligatos esse gerere munera prædicta terfores scutellarum, & servitoris primæ mensæ, & alias prout in dicto decreto, cujus perinde, ac præfatarum Benedicti Prædecessoris literarum tenores præsentibus pro plene & sufficienter expressis & ad verbum insertis haberi volumus, uberius continetur.

§. 1. Cum autem, sicut eadem expositio subjungebat, declaratio a dicto Auditore Benedicti Prædecessoris sic edita, nimis vaga & ampla dignoscatur, tam quia plures complectitur Officia, quam per ipsosmet Fratres Donatos peti- tum fuerat, latumque præber aditus alios quoque addendi prætextu similium officiorum: tum quia eisdem Officialibus absolute & indefinite absolute limitatione temporis exemptionem tribuit, tamen plura ex dictis officiis non nisi interpolatam ac minime continuam operam exposcant, nec impediunt, quo minus illa gerentes munera humilitatis subire valeant; quibus etiam accedit, quod si istiusmodi declaratio, utpote quæ juxta suum verum sensum omnes Fratres Donatos a dictis numeribus exemptos reddit, cum eorum singulos aliquo in suis Conventibus officio fungi oporteat, locum sibi vindicaret, non modicæ tur- bæ, ac confusio invehentur in alias quoque dicti Ordinis Provincias, ubi hoc exemplo exacta supradictarum Constitutionum circa hujusmodi munera humilitatis vigens observantia immutari vellet; ipsi Præpositus & Procurator Generales opportunum in præmissis remedium, quo universi Ordinis prædicti paci & tranquillitati prospiciatur, dictarumque Constitutionum dispositio quoad præfata munera humilitatis in omnibus illius Provinciae æqualiter servetur, a Nobis adhiberi summoere desiderant; Nos eorumdem Præpositi & Procuratoris Generalium votis hac in re, quantum cum Domino possumus, favorabiliter annuere volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatæ existunt, ad effectum præsentium dumtaxat consequendum, harum serie absolventes & absolutas fore censentes, suspensionibus illorum nomine Nobis super hoc humiliter porrectis inclinatis, resolutionem supradicti Capituli Generalis, expeditasque super illius confirmatione Benedicti Prædecessoris literas præfatas cum omnibus & singulis in eis contentis Apostolica auctoritate tenore præsentium approbamus & confirmamus; illisque inviolabilis Apostolicæ firmitatis robur adjicimus. Decre-

Ac responsum. Donatos ad hujusmodi officia teneri:

Quod a Benedicto XIII. confirmatum;

Impositumque silentium super hoc silentium.

Per ejusdem Pontificis Auditorem excepti illi, quibus aliquod munus foret assignatum.

Hæc vero exceptio nihil vagum est;

Capituli Generalis laudata resolutio, Ac Benedicti PP. Literæ confirmatur;

tum

1731.

Cum irrita-
tione dicti
Decreti Au-
ditoris Bene-
dicti XIII.

Et cum de-
claratione,
quod ad ea-
dem obeun-
da officia sin-
guli Ordinis
Fratres te-
neantur.

Præsentium
Literarum
firmitas:

Ac obstan-
tium quorumcum-
que derogatio.

Transumptis
danda Fides.

tum vero per Auditorem ejusdem Benedicti Prædecessoris editum, sicut præmittitur, revocamus, ac e medio tollimus. Declarantes tamen resolutionem Capituli Generalis, & literas præfatas ita juxta dicti Ordinis Constitutiones accipiendas, atque intelligendas fore, ut omnibus ipsius Ordinis Fratribus communes sint, ac esse censeantur, & tam Chorales cujusvis status, gradus, & conditionis existant, quam Donatos complectantur, atque munere humilitatis exerceri debeant ab iis, quos a suis Superioribus, quacumque pro tempore occurrente necessitate vel occasione, ad illa gerenda deputari, vel in tabella, per Superiorem secundum Rubricam Ordinis prædicti fieri solita, describi contigerit: Ipsisque propterea Superioribus, ac Superioribus harum serie præcipimus, ut in demandandis ejusmodi muneribus humilitatis, & in conficienda tabella præfata, pari discretione & charitate erga Fratres Donatos utantur, qua utuntur in Clericis seu Chorales: & sicuti his dicta munera injungere, eoque in tabella describere non consueverunt, quando aliis laboriosis ac extraordinariis occupationibus destinentur, ita quoque agant cum Donatis, qui id genus occupationes, sive ratione proprii officii sive alterius negotii, aut ministerii sibi commissi subire debuerunt: volentes & statuentes, quod quemadmodum obligatio omnes tenet, ac æque Clericis quam Donatis imposita reperitur, æqua quoque sit & servetur inter omnes discretionis ratio sine differentia inter Clericos & Donatos hujusmodi. Ac decernentes easdem præsentem literas semper firmas, validas & efficaces existere & fore, suorumque plenarios & integros effectus fortiri & obtinere; ac ab omnibus & singulis, ad quos spectat, & pro tempore quodcumque spectabit, inconcusse observari, ac eis respective suffragari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & Apostolicæ Sedis Nuncios, sublata eis & eorum cui-libet quavis aliter judicandi & interpretandi facultate & auctoritate, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 2. Non obstantibus præmissis, ac Constitutionibus & Ordinationibus Apostolicis, necnon quibusvis Ordinis & Provinciarum ejusmodi, illorumque Domorum & Conventuum, etiam juramento, confirmatione Apostolica, aut quavis firmitate alia roboratis statutis, stylis, usibus & consuetudinibus, etiam immemorabilibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanens, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

§. 3. Volumus autem, ut præsentium literarum transumptis seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides ubique locorum, tam in Judicio quam extra illud habeatur, quæ haberetur ipsius præsentibus, si forent exhibitæ vel ostensæ.

Datum Romæ apud S. Mariam Majorem sub annulo Piscatoris die 8. Martii Pontificatus Nostri Anno Primo.

F. Card. Oliverius.

Christi Fidelibus Sæcularibus ac Regularibus Hispaniarum conceditur recitatio Officii & Missæ S. Antolini Martyris cum Oratione & Lectionibus propriis secundi & tertii Nocturni.

CLEMENS PAPA XII.

Ad perpetuam rei memoriam.

EXigit Apostolicæ servitutis ministerium, quod imbecillitati nostræ committere voluit divina Dignatio, ut pia sublimiorum Principum Orthodoxæ Fidei tuendæ & propagandæ zelo, aliisque multiplicibus in Ecclesia Dei meritis conspicuorum, vota, quibus Beatorum Martyrum, Cælestis Hierusalem Civium, immacrescibili Gloriæ Corona redimitorum, veneratio in terris promovetur, ad exauditionis gratiam paterna charitate admittamus.

§. 1. Itaque piis charissimi in Christo Filii Nostri Philippi Hispaniarum Regis Catholici precibus, nobis super hoc humiliter porrectis, favorabiliter annuere cupientes de Ven. Fratrum nostrorum S. R. E. Cardinalium, Sacris Ritibus propositorum Consilio, ut in omnibus Regnis & Dominiis ipsi Philippo subjectis singulis annis Officium diei Festi Sancti Antolini Martyris cum Oratione & Lectionibus propriis secundi & tertii Nocturni tantum, dummodo reliqua sumantur de communi sub ritu duplici minori, servatis tamen Rubricis, ab omnibus Christi fidelibus Sæcularibus & Regularibus utriusque sexus recitari, & Missa respective celebrari possit, auctoritate Apostolica tenore præsentium concedimus & indulgemus.

§. 2. Non obstantibus Constitutionibus & Ordinationibus Apostolicis, cæterisque contrariis quibuscumque.

§. 3. Volumus autem, ut ipsarum præsentium literarum transumptis seu exemplis, etiam impressis manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem prorsus fides ab omnibus, & ubique tam in judicio quam extra habeatur, quæ ipsis præsentibus haberetur, si forent exhibitæ vel ostensæ.

Datum Romæ apud S. Mariam Majorem sub annulo Piscatoris die 17. Martii 1731. Pontificatus Nostri Anno primo.

F. Card. Oliverius.

Literæ Processus Sanctissimi Domini Nostri Clementis Papæ XII. publicatæ die Cœnæ Domini anno 1731.

CLEMENS EPISCOPUS

Servus Servorum Dei. Ad futuram rei memoriam.

PAstoris Romani Pontificis vigilantia & sollicitudo &c.

Cetera consulo omittuntur cum pluries repetita habeantur in præcedentibus Tomis.

Datum Romæ apud Sanctum Petrum anno Incarnationis Dominicæ millesimo septingentesimo trigésimo, 11. Kal. Aprilis Pontificatus Nostri Anno Primo.

F. A. Arch. Theod. Datarius.

F. Card. Oliverius.

Visa de Curia I. Archiep. Ancyranus.

N. Stivanus.

Loco \dagger Plumbi.*Registrata in Secretaria Brevium.*

XXVIII.

Dat. die 17.
Martii Anno
Dom. 1731.
Pontif. I.

Exordium.

Philippi His-
paniarum Re-
gis preces SS.
D. N. porre-
ctæ.Recitatio Of-
ficii S. Anto-
lini concessa.Cum obstan-
tium derogatio.Fides tran-
sumptorum.

XXIX.

Dat. die 22.
Martii Anno
Dom. 1731.
Pontif. I.Con^a